

摘藻堂四庫全書薈要

集部

欽定四庫全書薈要卷一萬七千五百三十二

集部

御定全唐詩卷一百二十七

王維

奉和聖製慶玄元皇帝玉像之作應制

明君夢帝先寶命上齊天  
秦后徒聞樂周王恥卜年  
玉京移大像金籙會羣仙  
承露調天供臨空敞御筵  
斗迴迎壽酒山近起鑪煙  
願奉無為化齋心學自然

奉和聖製與太子諸王三月三日龍池春禊應

制

故事修春禊新宮展豫遊明君移鳳輦太子出龍樓賦

掩陳王作梧如洛水流金人來捧劍畫鷁去一作出回舟

苑樹浮宮闕天池照冕旒宸章在雲表一作漢垂象滿皇

州

奉和聖製上巳於望春亭觀禊飲應制

長樂青門外宜春小苑東樓開萬井一作戶上輦過百花

中畫鷁移仙妓一作仗金貂列上公清歌邀落日妙一作妍

舞向春風渭水明  
秦甸黃山入漢宮  
君王來被襖灞澹  
亦朝宗

奉和聖製暮春送朝集使歸郡應制

萬國仰宗周衣冠拜冕旒  
玉乘迎大客金節送諸侯  
祖席傾三省褰帷向九州  
楊花飛上路槐色蔭通溝  
來預鈞天樂歸分漢主憂  
宸章類河一作漢垂象滿中一作皇

州統籤注云重韻誤

三月三日曲江

一有樓字

侍宴應制

萬乘親齋祭千官喜豫遊奉迎從上苑被袂向中流草  
樹連容衛山河對冕旒畫旗搖浦淑春服滿汀洲仙籟  
樂一作龍媒下神臯鳳蹕留從今億萬歲天寶紀一作春  
秋

奉和聖製重陽節宰臣及羣官上壽應制

四海方無事三秋大有年百生無此日萬壽願齊天芍  
藥和金鼎茱萸插玳筵玉堂開右个天樂動宮懸御柳  
疎秋景城鴉拂曙煙無窮菊花節長奉柏梁篇

三月三日勤政樓侍宴應制

綵仗連宵合瓊樓拂曙通年光三月裏宮殿百花中不  
數秦王日誰將洛水同酒筵嫌落絮舞袖怯春風天保  
無為德人歡不戰功仍臨九衢宴更達四門聰

奉和聖製十五夜然燈繼以酺宴

一有之  
作二字

應制

上路笙歌滿春城漏刻長遊人多晝日明月讓燈光魚  
鑰通翔鳳龍輿出建章九衢陳廣樂百福透

一作  
透

名香

仙伎來金殿都人遶玉堂定

一作  
止

應偷妙

一作  
艷

舞從此

學新妝奉引迎三事司儀列一作立萬方願將天地壽同  
以獻君王

奉和聖製幸玉真公主山莊因題石壁十韻之

作應制

碧落風煙外瑤臺道路賒如何連帝苑別自有仙家此

一作地回鸞駕綠谿轉翠華洞中開日月窗裏發雲霞

庭養冲天鶴溪流一作留上漢槎種田生白玉泥竈化丹

砂谷靜泉逾響山深日易斜御羹和石髓香飯進胡麻

大道今無外長生詎有涯還瞻九霄上來往五雲車

春日直門下省早朝

時為右  
補闕

騎省直明光雞鳴謁建章遙聞侍中珮閣識令君

一作  
公

香玉漏隨

一作  
催

銅史天書拜

一作  
問

夕郎旌旗暎閭闔歌

吹滿昭陽官舍梅初紫宮門柳欲黃願將遲日意同與

聖恩長

和僕射晉公扈從溫湯

時為右  
補闕

天子幸新豐旌旗渭水東寒

一作  
遠

山天仗外

一作  
裏

溫谷



慢城中奠玉羣仙座焚

一作薰

香太乙宮出遊逢牧馬罷

獵見

一作有

非熊上宰無為化明時太古同靈芝三秀紫

陳粟萬箱紅王禮

一作玉醴

尊儒教天兵小戰功謀猶歸哲

匠詞賦屬文宗司諫方無闕陳詩且未工長吟吉甫頌  
朝夕仰清風

和宋中丞夏日遊福賢觀天長寺寺即陳左相  
宅所施之作

已相殷王國空餘尚父谿釣磯開月殿築道出雲梯積

水浮香象深山鳴白雞虛空陳

一作無

伎樂衣服製虹霓

墨

一作黑

點三千界丹飛六一泥桃源勿遽返再訪恐君

迷

和陳監四郎秋雨中思從弟據

嫋嫋秋風動淒淒煙雨絲聲連鴉鵲觀色暗鳳凰原細  
柳疎高閣輕槐落洞門九衢行欲斷萬井寂無喧忽有  
愁霖唱更陳多露言平原思令弟康樂謝賢昆逸興方  
三接衰顏強七奔相如今老病歸守茂陵園

上張令公

珥筆趨丹陛垂璫上玉除  
少檐青瑣闥方憶畫輪車市

閱千金字朝聞

一作開

五色書致君光帝典薦士滿公車

伏奏回金駕橫經重石渠  
從茲罷角觝且

一作希

復幸儲

胥天統知堯後王章笈魯初  
匈奴遙俯伏漢相儼簪裾  
賈生非不遇汲黯自堪踈  
學易思求我言詩或起予  
當從大夫後何惜隸人餘

贈焦道士

海上遊三島淮南預八公坐知千里外跳向一壺中縮  
地朝珠闕行天使玉童飲人聊割酒送客乍分風天老  
能行氣吾師不養空

類箋注  
云有誤

謝君徒雀躍無可問鴻濛

贈東嶽焦鍊師

先生千歲

一作  
載

餘五嶽遍曾居遙識齊侯鼎新過王母

廬不能師孔墨何事問長沮玉管時來鳳銅盤即釣魚

竦身空裏語明日夜中書自有還丹

一作  
丹砂

術時論太素

初頻蒙露版詔時降軟輪車山靜泉逾響松高枝轉踈

措一作支 頤問樵客世上復何如

送秘書晁監還日本國 并序

舜覲羣后有苗不格禹會諸侯防風後至動干戚  
之舞興斧鉞之誅乃貢九牧之金始頒五瑞之玉  
我開元天地大寶聖文神武應道皇帝大道之行  
先天布化乾元廣運涵育無垠若華為東道之標  
戴勝為西門之候豈甘心於筇杖非徵貢於包茅  
亦由呼耶來朝舍於葡萄之館卑彌遣使報以蛟

龍之錦犧牲玉帛以將厚意服食器用不寶遠物  
百神受職五老告期况乎戴髮含齒得不稽顙屈  
膝海東國日本為大服聖人之訓有君子之風正  
朔本乎夏時衣裳同乎漢制歷歲方達繼舊好於  
行人滔天無涯貢方物於天子同儀加等位在王  
侯之先掌次改觀不居蠻夷之邸我無爾詐爾無  
我虞彼以好來廢闕弛禁上敷文教虛至實歸故  
人民雜居往來如市晁司馬結髮遊聖負笈辭親

問禮於老聃學詩於子夏魯借車馬孔丘遂適於  
宗周鄭獻縞衣季札始通於上國名成太學官至  
客卿必齊之姜不歸娶於高國在楚猶晉亦何獨  
於由余遊宦三年願以君羹遺母不居一國欲其  
晝錦還鄉莊舄既顯而思歸關羽報恩而終去於  
是稽首北闕裹足東轅篋命賜之衣懷敬問之詔  
金簡玉字傳道經於絕域之人方鼎彝尊致分器  
於異姓之國琅琊臺上回望龍門碣石館前夔然

鳥逝鯨魚噴浪則萬里倒回鷁首乘雲則八風却  
走扶桑若薺鬱島如萍沃白日而簸三山浮蒼天  
而吞九域黃雀之風動地黑蜃之氣成雲森不知  
其所之何相思之可寄嘻去帝鄉之故舊謁本朝  
之君臣詠七子之詩佩兩國之印恢我王度諭彼  
蕃臣三寸猶在樂毅辭燕而未老十年在外信陵  
歸魏而逾尊子其行乎余贈言者

積水不可極安知滄海東九州何處遠

一作所

萬里若乘



空向國唯看日歸帆

一作途

但信風鰲身映天黑魚

一作蜃

眼射波紅鄉樹扶桑外主人孤島中別離方異域音信

若為通

姚合稱此詩及送丘為下第觀獵三首為詩家射鵬手而以此篇壓卷

送禰一作徐郎中

東郊春草色驅馬去悠悠况復鄉山外猿啼湘水流島

夷傳露版江館候鳴騶卉服為諸吏珠官拜本州孤鷺

吟遠墅野杏發山郵早晚方歸奏南中纔

一作絕

忌秋

送李太守赴上洛

高山包楚鄧積翠藹沈沈驛路飛泉灑關門落照深  
野花開古戍行客響空林板屋春多雨山城晝欲陰  
丹泉通號略白羽抵荆岑若見西山爽應知黃綺心

送熊九赴任安陽

魏國應劉後寂寥文雅空漳河如舊日之子繼清風

阨銅臺下閭閻金虎中

金虎臺在鄴鎮

送車盈灞上輕騎出關

東相去千餘里西園明月同

山中示弟

山林吾喪我冠帶爾成人莫學嵇康懶且安原憲貧山  
陰多北戶泉水在東鄰緣合妄相有性空無所親安知  
廣成子不是老夫身

青龍寺曇壁上人兄院集

并序 與王昌齡襄  
迪弟縉同作序云江

寧大兄即

昌齡也

吾兄大

一作天

開蔭中明

一作朝

徹物

一作獨

外以定力

勝敵以惠用解嚴深居僧坊傍俯人里高原陸地  
下暎芙蓉之池竹林果園中秀菩提之樹八極氛

一作  
氣

霽萬彙塵息太虛寥廓南山為之端倪皇州

蒼茫渭水貫於天地經行之後趺坐而閒升堂梵  
筵餌客香飯不起而遊覽不風而清涼得世界於  
蓮花寄文章於貝葉時江寧大兄持片石命維序  
之詩五韻座上成

高處敞招提虛空詎有倪坐看南陌騎下聽秦城雞眇  
眇孤煙起芊芊遠樹齊青山萬井外落日五陵西眼界  
今無染心空安可迷

濟州過趙叟家宴

雖與人境接閉門成隱居道言莊叟事儒行魯人餘深  
巷斜暉靜閒門高柳疎荷鋤修藥圃散帙曝農書上客  
搖芳翰中厨饋野蔬夫君第高飲景晏出林閭

春過賀遂負外藥園

前年槿籬故新作藥欄成香草為君子名花是長卿水  
穿盤石透藤繫古松生畫

一作書  
一作去

畏開厨走來蒙倒屣

迎蔗漿菰米飯蒟醬露葵羹頗識灌園意於陵不自輕

過盧四負外宅看飯僧共題七韻

三賢異七賢

一作聖

青眼慕青蓮  
乞飯從香積  
裁衣學水

田上人飛錫杖檀越施金錢  
趺坐檐前日焚香竹下煙  
寒空法雲地秋色淨居天  
身逐因緣法心過次第禪  
不須愁日暮自有一燈然

河南嚴尹弟見宿弊廬訪別人賦十韻

上客能論道吾生學養蒙  
貧交世情外才子古人中  
冠上方簪

一作安

易車邊已畫熊拂衣迎五馬  
垂手憑雙童

花醪

醪一作醴

和松屑

蜀都賦觴以醪清注酒清謂之醪

茶香透竹叢薄霜

澄夜月殘雪帶春風古壁蒼苔黑寒山遠燒紅眼看東

候別心事北川

一作山

同為

一作若

學輕先輩何能訪老翁

欲知今日後不樂為車公

投道一師蘭若宿

一作宿道上方院

一公棲太白高頂出風

一作雲

煙梵流諸壑

一作澗

遍花雨

一峰偏跡為無心隱名因立教傳鳥來還語法客去更

安禪晝涉松路

一作露

盡暮投蘭若邊洞房隱深竹清夜

聞遙泉向是雲霞裏今成枕席前豈唯暫留宿服事將  
窮年

遊化感寺

翡翠香煙合琉璃寶地

一作殿

平龍宮連棟宇虎穴傍檐

楹谷靜唯松響山深無鳥聲瓊峰當戶折金澗透林明

一作鳴

郢路雲端迫秦川雨外晴鴈王銜果獻鹿女踏花

行抖擻辭貧里歸依宿化城繞籬生野蕨空館發山櫻

香飯青菰米嘉蔬綠笋莖

一作芋羹

誓陪清梵末端坐學



無生

遊悟真寺

一作王  
縉詩

聞道黃金地仍開白玉田  
擲山移巨石咒嶺出飛泉  
猛

虎同三逕愁猿學四禪  
買香然綠桂乞火踏

一作  
塌

紅

一作

青蓮草色搖霞上松聲汎月邊  
山河窮百二世界接

一作

滿三千梵宇聊憑視

一作  
平覽

王城遂渺然灞陵纔出樹渭

水欲連天遠縣分諸

一作  
朱

郭孤村起白煙望雲思聖主

披霧隱

一作  
憶

羣賢薄宦慚尸素終身擬尚玄  
誰知草菴

客曾和柏梁篇

與蘇盧二負外期遊方丈寺而蘇不至因有是

作

共仰頭陀行能忘世諦情  
回看雙鳳闕相去一牛鳴  
法向空林說心隨寶地平  
手中花氎淨香帔稻畦成  
聞道邀同舍相期宿化城  
安知不來往翻得似無生

曉行巴峽

際曉投巴峽餘春憶帝京  
晴江一女浣朝日衆雞一作禽

鳴水國舟中市山橋樹杪行登高萬井出眺迴二流明  
人作殊方語鸞為故國聲賴多一作山水趣稍解別離

情

清如玉壺冰

一本題上有賦得二字  
京兆府試時年十九

玉壺何用好偏許素冰居

一作藏冰玉壺  
裏冰水類方諸

未共銷丹日

還同照綺疏抱明中不隱含淨外疑虛氣似庭霜積光  
言砌月餘曉凌飛鵲鏡宵暎聚螢書若向夫君比清心

尚不如

一作若向貪夫  
比貞心定不如

賦得秋日懸清光

寥廓涼天靜晶明白日秋圓光含萬象碎影入閒流迴  
與青冥合遙同江甸浮晝陰殊衆木斜影下危樓宋玉  
登高怨張衡望遠愁餘輝如可託雲路豈悠悠

東谿玩月

一作王  
昌齡詩

月從斷山口遙吐柴門端萬木分空霽流陰中夜攢光  
連虛象白氣與風露寒谷靜秋泉響巖深青靄殘清燈  
入幽夢破影抱空巒恍惚琴窻裏松谿曉思難

田家

舊穀行將盡良苗

一作田

未可希老年方愛粥卒歲且無

衣雀乳青苔井雞鳴白板扉柴車駕羸犗草屨牧豪

一作

膏

豨夕一作多

雨紅榴拆新秋綠芋肥餉田桑下憩旁舍

草中歸住處名愚谷何煩問是非

沈十四拾遺新竹生讀經處同諸公之作

閒居日清靜修竹自

一作復

檀藥嫩節留餘籜新叢出舊

闌細枝風響亂踈影月光寒樂府裁龍笛漁家伐釣竿

何如道門裏青翠拂仙壇

雜詩

朝因折楊柳相見洛陽隅

一作城

楚國無如妾秦家自有

夫對人傳玉腕

一作腕

暎燭解羅襦人見東方騎皆言夫

壻殊持謝金吾子煩君提玉壺

哭褚司馬

妄識皆心累浮生定死媒誰言老龍吉未免伯牛災故  
有求仙藥仍餘遯俗杯山川秋樹苦窗戶夜泉哀尚憶

青驪去寧知白馬來漢臣修史記莫蔽褚生才

過沈居士山居哭之

揚朱來此哭桑扈返於真獨自成千古依然舊四鄰  
閒簷喧鳥鵲故榻滿埃塵曙月孤鶯囀空山五柳春  
野花愁對客泉水咽迎人善卷明時隱黔婁在日貧  
逝川嗟爾命丘井歎吾身前後徒言隔相悲詎幾晨

哭祖六自虛

時年十八

否極嘗聞泰嗟君獨不然憫凶纔稚齒羸疾主

一作

中

年餘力文章秀生知禮樂全翰留天帳覽詞入帝宮傳  
國訝終軍少人知賈誼賢公卿盡虛左朋識共推先不  
恨依窮轍終期濟巨川才雄望羔鴈壽促背貂蟬福善  
聞前錄殲良昧上玄何辜鏃鸞駟底事碎

一作何事  
與又作劇龍

泉鵬起長沙賦麟終曲阜編域中君道廣海內我情偏  
乍失疑猶見沈思悟絕緣生前不忍別死後向誰宣為  
此情難盡彌令憶更纏本家清渭曲歸葬舊塋邊永去  
長安道徒聞

一作開

京兆阡旌車出郊甸鄉國隱雲天定



作無期別寧同舊日旋候門家屬苦行路國人憐送客

哀難

終一作

進征途泥

哭一作

復前贈言為挽曲奠席是離

筵念昔同攜手風期不暫指南山俱隱逸東洛類神仙  
未省音容間那堪生死遷花時金谷飲月夜竹林眠滿  
地傳都賦傾朝看藥船羣公咸屬目微物敢齊肩謬合  
同人旨而將玉樹連不期先挂劍長恐後施鞭為善吾  
無矣知音子絕焉琴聲縱不沒終亦繼

斷一作

悲弦

御定全唐詩卷一百二十七

欽定四庫全書蒼要卷一萬七千五百三十三

集部

御定全唐詩卷一百二十八

王維

奉和聖一作御製從蓬萊向興慶閣道中留春雨

中春望之作應制

渭水自縈秦塞一作甸曲黃山舊遶漢宮斜鑿輿迴出千

一作仙門柳閣道迴一作遙看上苑花雲裏帝城雙鳳闕雨

中春樹萬人家為乘陽氣行時令不是宸遊翫一作重物

華

大同殿柱產玉芝龍池上有慶雲神光照殿百  
官共覩聖恩便賜宴樂敢書即事

欲笑周文歌宴鎬遙輕漢武樂橫汾豈知一作如玉殿生

三秀詎有銅池出五雲陌上堯樽傾北斗樓前舜樂動  
南薰共歡天意同人意萬歲千秋奉聖君

敕賜百官櫻桃

時為文  
部郎

芙蓉闕下會千官紫禁朱櫻出上闌纔一作總是寢園春

薦後非關御苑鳥銜殘蹄鞍競帶青絲籠中使頻傾赤  
玉盤飽食不須愁

一作憂

內熱大官還有蔗漿寒

敕借岐王九成宮避暑應教

帝子遠辭丹鳳闕天書遙借翠微宮隔窗雲霧生衣上  
卷幔山泉入鏡中林下水聲喧語笑巖間樹色隱房櫳  
仙家未必能勝此何事吹笙

一作簫

向碧空

和賈舍人早朝大明宮之作

絳幘雞人送報

一作報

曉籌尚衣方進翠雲裘九天

一作重

閭

闔開宮殿萬國衣冠拜冕旒  
日色纔臨仙掌動香煙欲  
傍袞龍浮朝罷須裁五色詔  
佩聲歸向一作到鳳池頭

和太常韋主簿五郎溫湯寓目之作

漢主離宮接露臺  
秦川一半夕陽開  
青山盡是朱旗繞  
碧澗翻從玉殿來  
新豐樹裏行人度  
小苑城邊獵騎迴  
聞道甘泉能獻賦  
懸知獨有子雲才

苑舍人能書梵字  
兼達梵音  
皆曲盡其妙戲為

之贈

名儒待詔滿公車才子為郎典石渠蓮花法藏心懸悟

貝葉經文手自書楚

文苑作歲注  
云集作楚非

詞共許勝揚馬梵字

何人辨魯魚故舊相望在三事願君莫厭承明廬

重酬苑郎中

并序  
庫部員外  
時為

頃輒奉贈忽枉見酬叙末云且久不遷因而朝及

詩落句云應同羅漢無名欲故作馮唐老歲年亦

解嘲之類也

何幸含香奉至尊多慙未報主人恩草木盡

一作  
豈

能酬

雨露榮枯安敢問乾坤  
僊郎有意憐同舍丞相無私斷  
埽門揚子解嘲徒自遣  
馮唐已老復何論

咸為李林甫  
記室丞相蓋

指李也

### 酬郭給事

洞門高閣靄餘輝  
桃李陰陰柳絮飛  
禁裏踈鐘官舍晚  
省中啼鳥吏人稀  
晨搖玉佩趨金殿  
夕奉天書拜瑣闈  
強欲從君無那老  
將因卧病解朝衣

### 出塞

題下一有作字  
時為御史監察塞上作

居延城外獵天驕，白草連山野火燒。  
暮雲空磧時驅馬，秋日平原好射鵬。  
護羌校尉朝乘障，破虜將軍夜渡遼。  
玉靶角弓珠勒馬，漢家將賜霍嫖姚。

既蒙宥罪旋復拜官，伏感聖恩竊書鄙意兼奉  
簡新除使君等諸公

忽蒙漢詔還冠冕，始覺殷王解網羅。  
日比皇明猶自暗，天齊聖壽未云多。  
花迎喜氣皆知一作猶能笑，鳥識歡心亦

解歌聞道百城新，佩印還來雙闕共鳴珂。



送方尊師歸嵩山

仙官欲往

一作住

九龍潭旄

一作毛

節朱幡倚石龕山壓天

中半天上洞穿江底出江南瀑布杉松常帶雨夕陽蒼

一作彩

翠忽成嵐借問迎來雙白鶴已曾衡嶽送蘇耽

送楊少府貶郴州

明到衡山與洞庭若為秋月聽猿聲愁看北渚三湘遠

一作近

一作客

惡說南風五兩輕青草瘴時過夏口白頭浪裏

出溢城長沙不久留才子賈誼何須弔屈平

過乘如禪師蕭居士嵩丘蘭若

無着天親弟與兄  
嵩丘蘭若一峰晴  
食隨鳴磬巢鳥下  
行踏空林落葉聲  
迸水定侵香案濕  
雨花應共石牀平  
深洞長松何所有  
儼然天竺古先生

春日與裴迪過新昌里訪呂逸人不遇

桃源一向

一作四面  
一作面面

絕風塵柳市南  
頭訪隱淪到門不

敢題凡鳥看竹何須問  
主人城上

一作外

青山如屋裏東

家流水入西鄰  
閉戶著書多歲月  
種松皆作老龍鱗

酌酒與裴迪

酌酒與君君自寬  
人情翻覆似波瀾  
白首相知猶按劍  
朱門先達笑彈冠  
草色全經一作輕細雨濕  
花枝欲動春風寒  
世事浮雲何足問  
不如高卧且加餐

輞川別業

不到東山向一年  
歸來纔及種春田  
雨中草色綠堪染  
水上桃花紅欲一作亦然  
優婁比丘經論學  
偃僂丈人鄉里賢  
披衣倒屣且相見  
相歡語笑衡門前

早秋山中

一作  
居作

無才不敢累明時，思向東谿守故籬。  
豈厭尚平婚嫁早，却嫌陶令去官遲。  
草間蛩響臨秋急，山裏蟬聲薄暮悲。  
寂寞柴門人不到，空林獨與白雲期。

積雨輞川莊

一作  
上字作輞川莊作

一作  
秋歸

積雨空林煙火遲，蒸藜炊黍餉東菑。  
漠漠水田飛白鷺，陰陰夏木轉黃鸝。  
山中習靜觀朝槿，松下清齋折露葵。  
野老與人爭席罷，海鷗何事更相疑。

一作  
處

更相疑

聽百舌鳥

上蘭門外草萋萋未央宮中花裏栖亦有相隨過御苑  
不知若箇向金堤入春解作千般語拂曙能先百鳥啼  
萬戶千門應覺曉建章何必聽鳴雞

息夫人

題下一有怨字一作息媯怨時年二十  
本事云寧王宅左有賣餅者妻織

白明媚王一見屬意厚遺其夫取之寵惜逾等  
歲餘因問曰汝復憶餅師否使見之其妻注視  
雙淚垂頰若不勝情王座客十餘人皆當時文  
士無不悽異王命賦詩維詩先成座客無敢繼  
者王乃歸餅師以終其志

莫以今時

一作朝

寵難忘

一作寧無一作能忘

昔

一作昔

日恩看花滿

眼一作目

淚不共楚王言

### 班婕妤三首

玉窗螢影度金殿人聲絕秋夜守羅帷孤燈耿不滅

宮殿生秋草君王恩幸疎那堪聞鳳吹門外度金輿

此首

河嶽英靈集選題作婕妤好怨

怪來妝閣閉朝下不相迎總向

一作在

春園裏花間笑語

聲

此首國秀集選題作扶南曲

輞川集 并序

余別業在輞川山谷其遊止有孟城坳華子岡文

杏館斤竹嶺鹿柴

去聲

木蘭柴茱萸泝

潘上

宮槐陌臨

湖亭南坳

音恭

敲湖柳浪藥家瀨金屑泉白石灘北

坳竹里館辛夷塢漆園椒園等與襄廸閒暇各賦

絕句云

孟城坳

新家孟城口古木餘衰柳來者復為誰空悲昔人有

華子岡

飛鳥去不窮，連山復秋色。  
上下華子岡，惆悵情何極。

文杏館

文杏裁為梁，香茅結為宇。  
不知棟裏雲，去作人間雨。

斤竹嶺

檀欒映空曲，青翠漾連漪。  
暗入商山路，樵人不可知。

鹿柴

柴土邁切本  
作若籬落也

空山不見人，但聞人語響。  
返景入深林，復照青苔上。



木蘭柴

秋山斂餘照飛鳥逐前侶彩翠時分明夕嵐無處所

茱萸泝

泝普半切  
義與泝通

結實紅且綠復如花更開山中儻留客置此芙蓉

一作  
茱萸

杯

宮槐陌

仄迳蔭宮槐幽陰多綠苔鷹門但迎婦畏有山僧來

臨湖亭

輕舸迎上

一作仙

客悠悠湖上來當軒對尊酒四面芙蓉

開

南垞

輕舟南垞去北垞  
森難即隔浦望人家  
遙遙不相識

敬湖

吹簫凌極浦日暮送夫君  
湖上一回首

一作看

青山卷白

雲

柳浪

分行接綺樹倒影入清漪不學御溝上春風傷別離

藥家瀨

颯颯秋雨中淺淺石溜瀉跳波自相濺白鷺驚復下

金屑泉

日飲金屑泉少當千餘歲翠鳳翊

一作翔

文螭羽節朝玉

帝

白石灘

清淺白石灘綠蒲向堪把家住水東西浣紗明月下

北垞

北垞湖水北雜樹暎朱闌  
逶迤南川水明滅青林端

竹里館

獨坐幽篁裏彈琴復長嘯  
深林人不知明月來相照

辛夷塢

木末芙蓉花山中發紅萼  
澗戶寂無人紛紛開且落

漆園

古人非傲吏自闕經世務  
偶寄一微官婆婆數株樹

椒園

桂尊迎帝子杜若贈佳人椒漿奠瑤席欲下雲中君一作

身

皇甫嶽雲溪雜題五首

鳥鳴磴

人間桂花落夜靜春山空月出驚山鳥時鳴春澗中

蓮花塢

日日采蓮去洲長多暮歸弄篙莫濺水畏濕紅蓮衣

鷓鴣堰

乍向紅蓮沒復出清蒲颺獨立何灘襪銜魚古查上

上平田

朝耕上平田暮耕上平田借問問津者寧知沮溺賢

萍池

春池深且廣會待輕舟迴靡靡綠萍合垂楊埽復開

荅裴迪輞口遇雨憶終南山之作

淼淼寒流廣蒼蒼秋雨晦君問終南山心知白雲外

山中寄諸弟妹

一本無妹字

山中多法侶禪誦自為羣城郭遙相望唯應見白雲

聞裴秀才廸吟詩因戲贈

猿吟一何苦愁朝復悲夕莫作巫峽聲腸斷秋江客

贈韋穆十八

與君青眼客共有白雲心不向東山去日一作自令春草

深

送別

一作山中送別一作送友

山中相送罷日暮掩柴扉  
春草明年一作年年綠  
王孫歸不歸

臨高臺送黎拾遺

相送臨高臺  
川原杳何極  
日暮飛鳥還  
行人去不息

別輞川別業

依遲動車馬  
惆悵出松蘿  
忍別青山去  
其如綠水何

崔九弟欲往南山馬上口號與別

一無馬上口號與別六字

城隅一分手  
幾日還相見  
山中有桂花  
莫待花如霰



題友人雲母障子

時年十五

君家雲母障時

一作持

向野庭開自有山泉入非因

一作關

采畫來

紅牡丹

綠艷閒且靜紅衣淺復深花心愁欲斷春色豈知心

左掖梨花

一作海棠  
為皇甫冉同作  
與丘

閒灑堦邊草輕隨箔外風黃鸝弄不足銜入未央宮

菩提寺禁口號又示裴迪

安得捨羅

一作塵

網拂衣辭世喧悠然策藜杖歸向桃花

源

雜詩三首

家住孟津河門對孟津口常有江南船寄書家中否  
君自故鄉來應知故鄉事來日綺窗前寒梅著花未  
已見寒梅發復聞啼鳥聲心心視春草畏向堦前生

崔興宗寫真詠

題上一  
有興字

畫君年少時如今君已老今時新識人知君舊時好

山茱萸

朱實山下開清香寒更發幸與一作叢桂花窗前向秋

月

相思

紅豆生南國秋來發故一作枝願一作君多采擷一作勸君

休采此物最相思

書事

出天厨  
禁齋

輕陰閣小雨深院晝慵開坐看蒼苔色欲上人衣來

哭孟浩然

時為殿中侍御史知南選至襄陽有作

故人不可見漢水日東流借問襄陽老江山空蔡州

山峴

東南一里有蔡州蔡瑁居之故云

闕題二首

荆谿白石出天寒紅葉稀山路元無雨空翠濕人衣

相看不忍發慘淡暮潮平語罷更攜手明月洲渚生

集

太平樂從軍辭塞上隴上游春送春及閨人贈遠等絕句本三舍人集內王涯張仲素詩今從洪邁萬首絕句

正刪

田園樂七首

一作輞  
川六言

厭見

一作  
出入

千門萬戶經過北里南鄰官府

一作  
蹀躞

鳴珂有

底空峒散髮何人

再見封侯萬戶立談賜璧一雙詎勝耦耕南畝何如高

卧東窗

采菱渡頭風急

一作  
起

策杖林西日斜杏樹壇邊漁父桃

花源裏人家

萋萋春草秋綠

一作  
碧

落落長松夏寒牛羊自歸村巷童

稚不識衣冠

山下孤煙遠村天邊獨樹高原一瓢顏回陋巷五柳先

生對門

桃紅復含宿雨柳綠更帶朝煙花落家童未埽鶯一作鳥

啼山客猶眠此首一作皇甫曾詩

酌酒會臨泉水抱琴好倚長松南園露葵朝折東谷一作

西舍黃梁夜春

少年行四首

新豐美酒斗十千咸陽遊俠多少年相逢意氣為君飲  
繫馬高樓垂柳邊

出身仕漢羽林郎初隨驃騎戰漁陽孰知不向邊庭苦

一作死縱死猶聞俠骨香

一身能擘一作臂兩雕弧虜騎千重一作羣只似無偏坐金

鞍調白羽紛紛射殺五單于

漢家君臣歡宴終高議雲臺論戰功天子臨軒賜侯印

將軍佩出明光宮

贈裴旻將軍

腰間寶劍七星文，臂上瑠弓百戰勲。  
見說雲中擒黠虜，始知天上有將軍。

九月九日憶山東兄弟

時年十七

獨在異鄉為異客，每逢佳節倍思親。  
遙知兄弟登高處，遍插茱萸少一人。

送王尊師歸蜀中拜掃

一無拜掃二字

大羅天上神仙客，濯錦江頭花柳春。  
不為碧雞稱使者



唯令白鶴報鄉人

渭城曲

一作送元二使安西 渭城一曰陽關 王維之所作也 本送人使安西詩後遂

被於歌 劉禹錫與歌者詩云 舊人唯有何戡在 更與慙懃唱 渭城白居易對酒詩云 相逢且莫 推辭 醉聽唱陽關第四聲 即勸君更盡一杯酒 西出陽關無故人也 渭城陽關之名 蓋因辭云

渭城朝雨浥輕塵 客舍青青

一作依依

楊柳春

一作柳色新

勸君

更盡一杯酒 西出陽關無故人

齊州送祖二

一作送別

送君南浦淚如絲 君向東州

一作周

使我悲為報故人顛

頓盡如今不似洛陽時

送韋評事

欲逐將軍取右賢沙場走馬向居延  
遙知漢使蕭關外  
愁見孤城落日邊

靈雲池送從弟

金杯緩酌清歌轉畫舸輕移艷舞回  
自歎鵲鴝臨水別  
不同鴻鴈向池來

送沈子歸江東

一作送沈子福之

楊柳渡頭行客稀  
罽師盪槩向臨圻  
唯有相思似春色

江南江北送君歸

一作春

與盧貞外象過崔處士興宗林亭

綠樹重

一作垂

陰蓋四鄰青苔日厚  
自無塵科頭箕踞長

松

一作林

下白眼看他世上

一作君是甚

人

寒食汜上作

一作途中號

廣武城邊逢暮春  
汶陽歸客淚沾巾  
落花寂寂啼山鳥

楊柳青青渡水人

戲題輞川別業

柳條拂地不須折  
松樹披雲從更長  
藤花欲暗藏  
獠子柏葉初齊養麝香

戲題盤石

可憐盤石臨

一作鄰

泉水復有垂楊拂

一作梢

酒杯若道春

風不解意何因

一作因何

吹送落花來

寄河上段十六

與君相見即相親  
聞道君家在孟津  
為見行舟試借問

客中時有洛陽人

菩提寺禁裴迪來相看說逆賊等凝碧池上作  
音樂供奉人等舉聲便一時淚下私成口號誦  
示裴迪

萬戶傷心生野煙百寮何日更朝天  
秋槐葉落空宮裏凝碧池頭奏管弦

涼州賽神

時為節度判  
官在涼州作

涼州城外少行人百尺峰頭望虜塵  
健兒擊鼓吹羌笛

共賽城東越騎神

劇朝史寰

清風細雨濕梅花  
驟馬先過碧玉家  
正值楚王宮裏至  
門前初下七香車

歎白髮

宿昔朱顏成暮齒  
須臾白髮變垂髻  
一生幾許傷心事  
不向空門何處銷

伊州歌

清風明月苦相思  
蕩子從戎十載餘  
征人去日慙懃囑  
歸鴈來時數附書

送殷四葬

一作哭  
殷遙

送君返葬石樓山  
松柏蒼蒼賓馭還  
埋骨白雲長已矣  
空餘流水向人間

疑夢

事文  
類聚

莫驚寵辱空憂喜  
莫計恩讐言浪苦  
辛黃帝孔丘何處問

安知不是夢中身

舊有獻壽游春從軍平戎秋思秋夜  
春思贈遠十五篇本王涯張仲素詩

去今刪

句

人家在仙掌雲氣欲生衣


見董道畫跋楊慎詩話補遺



御定全唐詩卷一百二十八

謹案卷一百二十七第二頁後六行百生無此日  
按右丞集作百工逢此日

--	--	--	--	--	--	--	--	--



總校官庶吉士 臣 張能照

校對官檢討 臣 蕭九成

謄錄貢生 臣 郭棣泰

欽定四庫全書會要

集部

御定全唐詩卷一百二十九至  
三十二

詳校官候補通政司經歷臣郭祚熾

欽定四庫全書薈要卷一萬七千五百三十四

集部

御定全唐詩卷一百二十九

王縉

王縉字夏卿與兄維早以文翰著稱連應草澤及文辭清麗科累授侍御史武部員外祿山亂選為太原少尹

與李光弼同守太原有謀略加憲部侍郎廣德二年拜黃門侍郎同平章事尋持節行營歷諸鎮大曆中召還拜門下侍郎復知政事以附元載連貶刺史後除太子

賓客留司東都詩八首

古離別

下階欲離別相對映蘭叢  
含辭未及吐淚落蘭叢中高  
堂靜秋日羅衣飄暮風  
誰能待明月迴首見牀空

青雀歌

林間青雀兒來往翩翩繞  
一枝莫言不解銜環報  
但問君恩今若為

同王昌齡裴迪游青龍寺曇壁上人兄院集和

兄維

林中空寂舍階下終南山高卧一牀上

一作地

迴看六合

間浮雲幾處滅飛鳥何時還問義天人接無心世界閒

誰知大隱者

一作客

兄弟自追攀

別輞川別業

山月曉仍在林風涼不絕殷勤如有情惆悵令人別

與盧員外象過崔處士興宗林亭

身名不問十年餘老大誰能更讀書林中獨酌鄰家酒



門外時聞長者車

九日作

莫將邊地比京都八月嚴霜草已枯今日登高樽酒裏  
不知能有菊花無

送孫秀才

以下二首  
作王維詩

帝城風日好况復建平家玉枕雙紋簾金盤五色瓜  
山中無魯酒松山一作下飯胡麻莫厭田家苦歸期遠復賒

游悟真寺

聞道黃金地仍開白玉田  
擲山移巨石呪嶺出飛泉  
猛

虎同三徑愁猿學四禪  
買香然綠柱乞火蹈紅蓮

一作青蓮

草色搖霞上松聲泛月邊  
山河窮百二世界接三

一作滿三

千梵宇聊憑視一作覺王城遂渺然  
灞陵纔出樹渭水欲

連天遠縣分朱郭孤村起  
白烟望雲思聖主披霧憶羣

賢薄宦慚尸素一作祿終身擬尚玄  
誰知草菴客曾和柏

梁篇

裴迪

裴迪關中人初與王維崔興宗居終南同倡和天寶後  
為蜀州刺史與杜甫李頎友善嘗為尚書省郎詩二十  
九首

青龍寺曇壁上人院集

靈境信為絕法堂出塵氛自然成高致向下看浮雲迤  
邐峯岫列參差閣井分林端遠堞見風末踈鐘聞吾師  
久禪寂在世超人羣

青雀歌

動息自適性不曾妄與燕雀羣幸忝鷓鴣早相識何時  
提攜致青雲

游感化寺曇興上人山院

不遠灞陵邊安居向十年入門穿竹徑留客聽山泉鳥  
轉深林裏心閒落照前浮名竟何益從此願棲禪

夏日過青龍寺謁操禪師

安禪一室內左右竹亭幽有法知不染無言誰敢酬鳥  
飛爭向夕蟬噪已先秋煩暑自茲適一作退清涼何所求

春日與王右丞過新昌里訪呂逸人不遇

恨不逢君出荷蓑青松白屋更無他陶令五男曾不有

蔣生三徑枉

一作任

相過芙蓉曲沼春流滿薜荔成帷晚

靄多聞說桃源好迷客不如高臥晒庭柯

輞川集二十首

孟城坳

結廬古城下時登古城上古城非疇昔今人自來往

華子岡

落日松風起還家草露晞雲光侵履跡山翠拂人衣

文杏館

迢迢文杏館躋攀日已屢南嶺與北湖前看復迴顧

斤竹嶺

明流紆且直綠篠密復深一徑通山路行歌望舊岑

鹿柴

日夕見寒山便為獨往客不知深林事但有麀麇跡

木蘭柴

蒼蒼落日時鳥聲亂谿水綠谿路轉深幽興何時已

茱萸泝

飄香亂椒桂布葉間檀欒雲日雖迴照森沈猶自寒

宮槐陌

門前宮槐陌是向欵湖道秋來山雨多落葉無人掃

臨湖亭

當軒彌滉漾孤月正裴回谷口猿聲發風傳入戶來

南垞

孤舟信一泊南垞湖水岼落日下崦嵫清波殊淼漫

欵湖

空濶湖水廣青熒天色同艤舟一長嘯四面來清風

柳浪

映池同一色逐吹散如絲結陰既得地何謝陶家時

樂家瀨

瀨聲喧極浦沿涉向南津汎汎鷗鳧渡時時欲近人

金屑泉



縈澗澹不流金碧如可拾迎晨含素華獨往事朝汲

白石灘

跂石復臨水弄波情未極日下川上寒浮雲澹無色

一作

疑碧

北垞

南山北垞下結宇臨欹湖每欲采樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫况有辛夷花色與芙蓉亂

漆園

好閒早成性果此諧宿諾今日漆園游還同莊叟樂

椒園

丹刺罨人衣芳香留過客幸堪調鼎用願君垂采摘

輞口遇雨憶終南山因獻王維

積雨晦空曲平沙滅浮彩輞水去悠悠南山復何在

崔九欲往南山馬上口號與別

一作留別王維

歸山深淺去須盡丘壑美莫學武陵人暫游桃源裏

與盧員外象過崔處士興宗林亭

一本無與盧員外象六字

喬柯門裏自成陰散髮牕中曾不簪逍遙且喜從吾事  
榮寵從來非我心

西塔寺陸羽茶泉

統籤云此詩楊慎以為見之石刻然羽自在大歷後則非

迪詩矣

竟陵西塔寺蹤跡尚空虛不獨支公住曾經陸羽居草

堂荒產蛤茶井冷生魚一汲清冷水

一作飲

高風味有餘

### 崔興宗

崔興宗與王維裴迪俱居終南後官右補闕詩五首

### 同王右丞送瑗公南歸

行苦神亦秀冷然谿上松銅瓶與竹杖來自祝融峯常願入靈嶽藏經訪遺踪南歸見長老且為說心胸

### 青雀歌

青鳧繞青林翩翩陋體一微禽不應常在藩籬下他日

凌雲誰見心

和王維敕賜百官櫻桃

未央朝謁正逶迤  
天上櫻桃錫此時  
朱實初傳九華殿  
繡花舊雜萬年枝  
未一作全勝晏子江南橘  
莫比潘家大

谷梨聞道令人好  
顏色神農本草自應知

留別王維

駐馬欲分襟  
清寒御溝上前山  
景氣佳獨往還  
惆悵

酬王維盧象見過林亭

窮巷空

一作深

林常閉闕悠然

一作悠

獨卧對前山今朝忽

枉嵇生駕倒屣開門遥解顏

苑咸

苑咸成都人舉進士登第為李林甫書記開元末上書  
拜司經校書中書舍人嘗為孫逖草除庶子詔議者以  
為知言王維嘗謂舍人能書梵字兼達梵音曲盡其妙  
詩二首

送大理正攝御史判涼州別駕

天子念西

一作邊

疆咨君去不遑垂銀棘庭印持斧柏臺

網雪下天山白泉枯塞草黃佇聞河隴外還繼海沂康

酬王維 并序

王員外兄以予嘗學天竺書有戲題見贈然王兄  
當代詩匠又精禪理枉采知音形於雅作輒走筆  
以酬焉且久未遷因而嘲及

蓮花梵宇本從天華省仙郎早悟禪三點成伊猶有想  
一觀如幻自忘筌為文已變當時體入用還推間氣賢

應同

一作知

羅漢無名欲故作馮唐老歲年

佛書伊字如草書下字涅

槃經何等名為秘密藏如六字三點別則不成

丘為

丘為蘓州嘉興人事繼母孝常有靈芝生堂下累官太子右庶子致仕給俸祿之半以終身年八十餘母尚無恙及居憂觀察使韓滉以致仕官給祿所以惠養老臣不可在喪而異惟罷春秋羊酒卒年九十六與劉長卿善其赴上都也長卿有詩送之亦與王維為友詩十三



首

尋西山隱者不遇

一作山行尋  
隱者不遇

絕頂一茅茨直下三十里扣關無僮僕窺室唯案几若  
非巾柴車應是釣秋水差池不相見黽勉空仰止草色  
新雨中松聲晚牕裏及茲契幽絕自足蕩心耳一本無  
此二句  
雖無賓主意頗得清淨理興盡方下山何必待之一作  
夫

子

題農父廬舍

東風何時

一作處

至已綠湖上山湖上春已

一作既

早田家

日不閒溝塍

一作壑

流水處耒耜平蕪間薄暮飯牛罷歸

來還閉關

泛若耶谿

結廬若耶裏左右若耶水無日不釣魚有時向城市溪  
中水流急渡口水流寬每得樵風便往來殊不難一川  
草長綠四時那得辨短褐衣妻兒餘糧及雞犬日暮鳥  
雀稀稚子呼牛歸住處無鄰里柴門獨掩扉

湖中寄王侍御

日日湖水上好登湖上樓終年不向郭過午始梳頭嘗  
自愛杯酒得無相獻酬小僮能膾鯉少妾事蓮舟每有  
南浦信仍期後月遊方春轉搖蕩孤興一作時每一作淹  
留驄馬真傲吏翛然無所求晨趨玉階下心許滄江流  
少別如昨日何言經數秋應知方外事獨往非悠悠

登潤州城

天末江城晚登臨客望迷春潮平島嶼殘雨隔虹蜺鳥

與孤帆遠烟和獨樹低鄉山何處是目斷廣陵西

尋廬山崔徵君

日高雞犬靜門掩向寒塘夜竹深茅宇秋亭冷石牀住  
山年已遠服藥壽偏長虛棄浮生者相逢益自傷

留別王維

一作王維留  
別丘為詩

歸鞍白雲外繚繞出前山今日又明日自知心不閒親  
勞簪組送欲赴鶯花還一步一回首遲遲向近關

竹下殘雪

一點消未盡孤月在竹陰晴光夜轉瑩寒氣曉仍深還  
對讀書牖且闕乘興心已能依此地終不傍瑤琴

送閻校書之越

南入剡中路草雲應轉微湖邊好花照山口細泉飛此  
地饒古跡世人多忘歸經年松雪在永日世情稀芸閣  
應相望芳時不可違

省試夏日可畏

一作張籍詩

赫赫溫風扇炎炎夏日徂火威馳迴野畏景爍遙途勢

矯翔陽翰功分造化爐禁城千品燭黃道一輪孤落照  
頻空簾餘暉卷夕梧如何倦遊子中路獨踟躕

左掖梨花

同王維皇  
甫再賦

冷艷全欺雪餘香乍入衣春風且莫定吹向玉階飛

渡漢江

一作戴叔倫  
詩題作江行

漾舟漢江上挂席候風生臨汎何容與愛此江水清蘆  
洲隱遙嶂露日映孤城自顧踈野性難忘鷗鳥情聊復  
與時顧暫欲解塵纓跋涉一作馳非吾願虛懷浩已盈

冬至下寄舍弟時應赴入京

雜言

去去知未遠依依甚初別他鄉至下心昨夜堦前雪終日讀書仍少孤家貧兄弟未當途適遠纔過宿春料相隨惟一平頭奴男兒出門事四海立身世業文章在莫漫憶柴扉馬高車朝紫微江南驛使不曾斷迎前為爾非春衣

趙驊

一作  
驥

趙驊字雲卿鄧州穰人開元中舉進士連擢科第官至

秘書少監詩一首

送晁補闕歸日本國

西掖承休澣東隅返故林來稱郟子學歸是越人吟馬  
上秋郊遠舟中曙海陰知君懷魏闕萬里獨搖心



御定全唐詩卷一百二十九

欽定四庫全書薈要卷一萬七千五百三十五

集部

御定全唐詩卷一百三十

崔顥

崔顥汴州人開元十一年登進士第有俊才累官司勳員外郎天寶十三年卒詩一卷

古遊俠呈軍中諸將

一作遊俠篇

少年負一作有膽氣好勇復知機仗劍出門去孤城逢合

圍殺人遼水上走馬漁陽歸錯落金鎖甲蒙茸貂鼠衣

還家行且

且一作行獵射

一作

弓矢速如飛地迴鷹犬疾草深

狐兔肥腰間帶兩綬

一作垂兩韉腰帶

轉盼生光輝顧謂今日

戰何如隨建威

### 贈輕車

悠悠遠行歸經春

一作春日

涉長道幽冀桑始青洛陽蠶欲

老憶昨戎馬地別時心草草烽火從北來邊城閉常早  
平生少相遇未得展懷抱今日杯酒間見君交情好

### 贈王威古

一作等

三十羽林將出身常事邊春風吹淺草獵騎何翩翩插

羽兩相顧鳴弓新

一作親

上弦射麋入深谷飲馬投荒

一作

向寒泉馬上共傾酒野中聊割鮮相看未及飲

一作醉

雜虜

寇

一作入

幽燕烽火去

一作知

不息胡塵

一作陰山

高際天長驅

救東北戰解城亦全

一作轉戰解城全

報國行赴難古來皆共

然

### 贈懷一上人

法師東南秀世實豪家子削髮十三年誦經峨眉看裏自

此照羣蒙卓然為道雄觀生盡入

一作歸

妄悟有皆成空

淨體

一作洗意

無衆染苦心歸妙宗一朝勅書至召入承明

宮說法金殿裏焚香清禁中傳燈遍都邑杖錫遊王公

天子揖妙道羣僚趨下風我法本無著時來出林壑因

心得化城

一作域一作成

隨病皆與藥上啓黃屋心下除蒼生

縛一從入君門說法無朝昏帝作轉輪王師為持戒尊

軒風灑甘露佛雨生慈根但有滅度理而生

一作無

開濟

恩復聞江海曲好殺成風俗帝曰我上人為除羶腥欲

是日發西秦東南至蘄春風將衡桂接地與吳楚鄰舊  
少清信士實多漁獵人一聞吾師至捨網江湖濱作禮  
懺前惡潔誠期後因因成日既久事濟身不守更出淮  
楚間復來荆河口荆河馬卿岑茲地近道林入講鳥常  
狎坐禪獸不侵都非緣未盡曾是教所任故我一來事  
永承微一作妙音竹房見衣鉢松宇清身心早悔業至  
淺晚成計可尋善哉遠公義清淨如黃金

遊天竺寺

晨登天竺山山殿朝陽曉厓

一作澗

泉爭噴薄江岫相縈

繞直上孤頂高平看衆峰小南州十二月地暖冰雪少  
青翠滿寒山藤蘿覆冬沼花龕瀑布側青壁石林杪鳴  
鐘集人天施飯聚猿鳥洗意歸清淨澄心悟空了始知  
世上人萬物一何擾

入若耶溪

輕舟去何疾已到雲林境起坐魚鳥間動搖山水影巖  
中響自答溪裏言彌靜事事令人幽停橈向餘景

雜詩

可憐青銅鏡挂在白玉堂  
玉堂有美女嬌弄明月光  
羅袖拂金鵲綵屏點紅妝  
妝罷含情坐春風桃李香

結定襄郡獄效陶體

我在河東時使往定襄里  
定襄諸小兒爭訟紛城市  
長老莫敢言太守不能理  
謗書盈几案文墨相填委  
牽引肆中翁追呼田家子  
我來折此獄五聽辨疑似  
小大必以情未嘗施鞭箠  
是時三月暮遍野農桑起  
里巷鳴春



鳩田園引流水此鄉多雜俗戎夏殊音旨顧問邊塞人  
勞情曷云已

長安道

一作霍將軍

長安甲第高入雲誰家居住霍將軍日晚朝迴擁賓從  
路傍揖拜何紛紛莫言炙手手可熱須臾火盡灰亦滅  
莫言貧賤即可欺人生富貴自有時一朝天子賜顏色

世上

一作事

悠悠應

一作君

始

一作自

知

行路難

君不見建章宮中金明枝萬萬長條拂地垂二月三月

花如霰九重幽深君不見豔彩朝含四寶宮香

一作春風

旦一作吹入朝雲殿漢家宮女春未闌愛此芳香朝暮看

看來看去

一作來看去

心不忘攀折將安鏡臺上雙雙素手

剪不成兩兩紅妝笑相向建章昨夜起春風一花飛落

長信宮長信麗人見花泣憶此珍樹何嗟及我昔初在

昭陽時朝攀

一作折

暮折登玉墀只言歲歲長相對不悟

今朝遙相思

孟門行

黃雀銜黃

一作  
蘋

花翩翩傍簷隙本擬

一作  
欲

報君恩如何

反彈射金壘美酒滿座春平原愛才多衆賓滿堂盡是

忠義士何意得有讒諛人諛言

一作  
人

反覆那可道能令

君心不自保北園新栽桃李枝根株未固何轉移成陰

結實

一作  
子

君自取若

一作  
借

問傍人那得知

渭城少年行

洛陽三月梨花飛秦地行人春憶歸揚鞭走馬城南陌

朝逢驛使秦川客驛使前日發章臺傳道長安春早來

棠梨宮中燕初至葡萄館裏花正開念此使人歸更早

三月便達

一作更踏

長安道長安道上春可憐搖風蕩日曲

江邊萬戶樓臺臨渭水五陵花柳滿秦川秦川寒食盛

繁華遊子春來不

一作喜

見家

一作花

鬪雞下杜

一作社

塵

一作

春初合走馬章臺日半斜章臺帝城稱貴里青樓日晚

歌鐘起貴里豪家白馬驕五陵年少不相饒雙雙挾彈

來金市兩兩鳴鞭上渭橋渭城橋

一作墟

頭酒新熟金鞍

白馬誰家宿可憐錦瑟箏

一作與

琵琶玉壺清

一作新

酒就

倡家小婦春來不解羞嬌歌一曲楊柳花

盧姬篇

盧姬少小魏王家綠鬢紅脣桃李花魏王綺樓十二重  
水晶簾箔繡芙蓉白玉欄千金作柱樓上朝朝學歌舞

前堂後堂羅袖入南窓北窓

一作痛

花發春翠幌珠簾鬪

絲管一彈一奏雲欲斷君王日晚下朝歸鳴環佩玉

一作

金環玉佩

生光輝人生今日得嬌

一作驕

貴誰道盧姬身細微

江畔老人愁

江南年少十八九乘舟欲渡青溪口青溪口

一作忽邊

一老翁鬢眉皓白已衰朽自言家代仕梁陳垂朱拖紫  
三十人兩朝出將復入相五世疊鼓乘朱輪父兄三葉  
皆尚主子女四代為妃嬪南山賜田接御苑北宮甲第  
連紫宸直言榮華未休歇不覺山崩海將竭兵戈亂入  
建康城烟火連燒未央闕衣冠士子陷鋒刃良將名臣  
盡埋沒山川改易失市朝衢路縱橫填白骨老人此時

尚少年脫身走得投海邊罷兵歲餘未敢出去鄉三載  
方來旋蓬蒿忘却五城宅草木不識青谿田雖然得歸  
到鄉土零丁貧賤長辛苦采樵屢入歷陽山刈稻常過  
新林浦少年欲知老人歲豈知今年一百五君今少壯  
我已衰我昔少年君不睹人生貴賤各有時莫見羸老  
相輕欺感君相問為君說說罷不覺令人悲

邯鄲宮人怨

邯鄲陌上三月春暮行逢見一婦人自言鄉里本燕趙

少小隨家西入秦，母兄憐愛無儔侶。  
五歲名為阿嬌女，七歲丰茸好顏色。  
八歲黠惠能言語，十三兄弟教詩書。  
十五青樓學歌舞，我家青樓臨道傍。  
紗窓綺幔暗聞香，日暮笙歌君駐馬。  
春日妝梳妾斷腸，不用城南使君壻。  
本求三十侍中郎，何知漢帝好容色。  
玉輦攜登歸建章，建章宮殿不知數。  
萬戶千門深且長，百堵塗椒接青瑣。  
九華閣道連洞房，水晶簾箔雲母扇。  
琉璃窓牖玳瑁牀，歲歲年年奉歡宴。  
嬌貴榮華誰不羨，恩情莫比陳皇后。



寵愛全勝趙飛燕  
瑤房侍寢世莫知  
金屋更衣人不見

誰言一朝復一日  
君王棄世市朝變  
宮車出葬茂陵田

賤妾獨留長信殿  
一朝太子升至尊  
宮中人事如掌翻

同時侍女見讒毀  
後來新人莫敢言  
兄弟印綬皆被奪

昔年賞賜不復存  
一旦放歸舊鄉里  
乘車垂淚還入門

父母愍我曾富貴  
嫁與西舍金王孫  
念此翻覆復何道

百年盛衰誰能保  
憶昨尚如春日花  
悲今已作秋時草

少年去去莫停鞭  
人生萬事由上天  
非我今日獨如此

古今歌薄皆共然

川上女

川上女晚妝鮮  
日落青渚試輕楫  
汀長花滿正迴船  
暮來浪起風轉緊  
自言此去橫塘近  
綠江無伴夜獨行  
獨行心緒愁無盡

鴈門胡人歌

高山代郡東接燕  
鴈門胡人家近邊  
解放胡鷹逐塞鳥  
能將代馬獵秋田  
山頭野火寒多燒  
雨一作霧裏孤峰濕

作烟聞道遼

一作關

西無鬪戰時時醉向酒家眠

代閨人答輕薄少年

妾家近隔鳳凰池粉壁紗窓楊柳垂  
本期漢代金吾壻  
誤嫁長安遊俠兒  
兒家夫壻多輕薄  
借客探丸重然諾  
平明挾彈入新豐  
日晚揮鞭出長樂  
青絲白馬冶遊園  
一作盤能使行人駐馬看  
自矜陌上繁華盛  
不念閨中花  
鳥闌花間陌上春  
將晚走馬鬪雞猶未返  
三時出望無消息  
一去那知行近遠  
桃李花開覆井欄  
朱樓落日捲

簾看愁來欲奏相思曲抱得秦箏不忍彈

七夕

長安城中月如練家家此夜持針線仙裙玉佩空自知  
天上人間不相見長信深陰夜轉幽瑤階金閣數螢流  
班姬此夕愁無限河漢三更看斗牛

長門怨

君王寵初歇棄妾長門宮紫殿青苔滿高樓明月空夜  
愁生枕席春意罷簾櫳泣盡無人問容華落鏡中

王家少婦

一作古意

十五嫁王昌盈盈入

一作出

畫堂自矜

一作憐

年最少

一作正小

復倚堦為郎舞愛前谿綠歌憐子夜長閒來鬪百草度

日不成

一作能

妝

岐王席觀妓

一作盧女曲

二月春來半宮中

一作王家

日漸

一作正

長柳垂金屋煖花發

一作覆

玉樓香拂匣先臨鏡調笙更炙簧還將歌舞態

一作

盧女 只擬

一作夜夜

奉君王

上巳

巳日帝城春傾都被禊晨停車須傍水奏樂要驚塵弱  
柳障行騎浮橋擁看人猶言日尚早更向九龍津

一作神

贈梁州張都督

聞君為漢將虜騎罷

一作不

南侵出塞

一作磧

清沙漠還家

拜羽林風霜臣節苦歲月主恩深為語西河使知余

一作

君報國心

贈

一作寄

盧八象

卷一百三十  
客從巴水渡傳爾沂行舟是日風波霽高堂雨半收青  
山滿蜀道綠水向荊州不作書相問誰能慰別愁

題潼關樓

客行逢雨霽歇馬上津樓山勢雄三輔關門扼九州川  
從陝路去河遶華陰流向晚登臨處風烟萬里愁

題沈隱侯八詠樓

梁日東陽守為樓望越中綠窻明月在青史古人空江  
靜聞山狄川長數塞鴻登臨白雲晚流恨此遺風

晚入汴水

昨晚南行楚今朝北沂河客愁能幾日鄉路漸無多晴  
景搖津樹春風起棹歌長淮亦一作已盡寧復畏潮波

發錦沙村

北上途未半南行歲已闌孤舟下建德江水入新安海  
近山常雨谿深地早寒行行泊不可湏及子陵灘

送單于裴都護赴西河

征馬去一作翩翩城秋月正圓單于莫近塞都護欲臨



邊漢驛通煙火胡沙乏井泉  
功成須獻捷未必去經年

黃鶴樓

昔人已乘白雲

一云作黃鶴

去此

一作茲

地空餘

一作留

黃鶴樓

黃鶴一去不復返  
白雲千載空悠悠  
晴川歷歷漢陽樹

一作戌春

一作芳

草萋萋

一作青青

鸚鵡洲

日暮鄉關何處是

一作

在煙波江上使人愁

行經華陰

一作山

峒堯太華俯咸京  
天外三峯削不成  
武帝祠前雲欲散

仙人掌上雨初晴  
河山北枕秦關險  
驛樹西連漢時平  
借問路傍名利客  
無如此處學長生

相逢行

妾年初二八家住洛橋頭  
玉戶臨馳道朱門近御溝  
使君何假問夫婿大長秋  
女弟新承寵諸兄近拜侯  
春生百子殿花發五城樓  
出入千門裏年年樂未休

遼西作

一作關西行

燕郊芳歲晚殘雪凍邊城  
四月青草合遼陽  
春水生胡

人正牧馬漢將日徵兵露重寶刀濕沙虛金鼓鳴寒衣

著已盡春服與誰

一作誰與

成寄語洛陽使為傳邊塞

一作戍

情

奉和許給事夜直簡諸公

西掖黃樞近東曹紫禁連地因才子拜人用省郎遷夜  
直千門靜河明萬象懸建章宵漏急闔闔曉鐘傳寵列  
貂蟬位恩深侍從年九重起草五夜即成篇顧已無  
官次循涯但自憐遠陪蘭署作空此仰神仙

舟行入剡

鳴棹下東陽回舟入剡鄉  
青山行不盡綠水去何長  
地氣秋仍濕江風晚漸涼  
山梅猶作雨谿橘未知霜  
謝客文逾盛林公未可忘  
多慙越中好流恨閱時芳

澄水如鑑

聖賢將立喻上善貯情深  
潔白依全德澄清有片心  
澆浮知不撓濫濁固難侵  
方寸懸高鑑生涯詎陸沈  
對泉能自誠如鏡靜相臨  
廉慎傳家政流芳合古今

長干曲四首

一作江南曲

君家何處住

一作定何處

妾住在橫塘停船暫借問或恐

一作

可是同鄉

家臨九江水來去九江側同是長干人自小不相識

下一作

渚多風浪蓮舟漸覺

一作欲暫

稀那能不相待獨自

逆

一作途

潮歸

三江潮水急五湖風浪湧由來花性輕莫畏蓮舟重

維揚送友還蘇州

長安南下幾程途得到邗溝弔綠蕪渚畔鱸魚舟上釣  
羨君歸老向東吳

御定全唐詩卷一百三十